

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona”, broj: 5/08), člana 45. stav (4) Zakona o izvršavanju Budžeta Unsko-sanskog kantona za 2022. godinu („Službeni glasnik Unsko-sanskog kantona”, broj: 5/22) i člana 12. Zakona o poticaju razvoja male privrede („Službeni glasnik Unsko-sanskog kantona”, broj: 19/11), na prijedlog Ministarstva privrede, Vlada Unsko-sanskog kantona na sjednici održanoj dana 18.04.2022. godine, d o n o s i:

PROGRAM POTICAJA RAZVOJA TURIZMA ZA 2022. GODINU

POGLAVLJE I - OPĆE ODREDBE

Član 1. (Predmet Programa)

Programom poticaja razvoja turizma za 2022. godinu (u daljem tekstu: Program) utvrđuju se poticajne mjere i aktivnosti te prioriteti i kriteriji poticaja razvoja male privrede u turističko-ugostiteljskoj djelatnosti kao i pružanje podrške nezaposlenim licima u pokretanju biznisa u skladu sa raspoloživim finansijskim sredstvima.

Član 2. (Cilj Programa)

Cilj Programa je pružanje podrške subjektima male privrede, fizičkim i pravnim licima, definisanim Zakonom o poticaju razvoja male privrede („Službeni glasnik Unsko-sanskog kantona”, broj: 19/11) koji su registrirani u okviru turističko-ugostiteljske djelatnosti, radi očuvanja, rasta i razvoja subjekata male privrede u turističko-ugostiteljskoj djelatnosti na području Unsko-sanskog kantona (u daljem tekstu: Kanton), povećanja zapošljavanja, povećanja kvaliteta i konkurentnosti male privrede, povećanja broja subjekata male privrede, poticanja obavljanja obrta, povećanja udjela žena, mladih i osoba sa invaliditetom u turističko-ugostiteljskoj djelatnosti, održivog razvoja i implementacije aktivnosti koje doprinose realizaciji mjera predviđenih Strategijom razvoja Unsko-sanskog kantona 2021-2027, kao i pružanje podrške nezaposlenim licima u pokretanju vlastitog biznisa.

Član 3. (Poticajne mjere)

Ciljevi definisani članom 2. ovog Programa realizirat će se kroz mjere:

- a) Jačanje konkurentnosti subjekata male privrede - fizičkih i pravnih lica u turističko-ugostiteljskoj djelatnosti
- b) Pokretanje vlastitog biznisa

POGLAVLJE II - JAČANJE KONKURENTNOSTI SUBJEKATA MALE PRIVREDE –FIZIČKIH I PRAVNIH LICA U TURISTIČKO- UGOSTITELJSKOJ DJELATNOSTI

Član 4.

(Predmet mjere)

Predmet mjere je prikupljanje prijave subjekata male privrede - fizičkih i pravnih lica u turističko-ugostiteljskoj djelatnosti, definisanih Zakonom o poticaju razvoja male privrede za **sufinansiranje** prihvatljivih troškova taksativno navedenih u članu 9. ovog Programa.

Član 5.

(Sredstva za implementaciju)

- (1) Sredstva za implementaciju ove mjere obezbjeđena su u Budžetu Ministarstva na ekonomskom kodu 614500 FAP004 – „Subvencije privatnim preduzećima i poduzetnicima - oblast turizma“ u ukupnom iznosu od 1.600.000,00 KM
- (2) Sredstva iz stava (1) ovog člana raspoređuju se na:
 - a) Fizička lica u ukupnom iznosu od 500.000,00 KM
 - b) Pravna lica u ukupnom iznosu od 1.100.000,00 KM

Član 6.

(Pravo učešća)

Pravo učešća imaju subjekti male privrede definisani Zakonom o poticaju razvoja male privrede („Službeni glasnik Unsko-sanskog kantona“, broj: 19/11) – **fizička i pravna lica (d.o.o. ili poslovne jedinice ukoliko pravno lice aplicira sa poslovnom jedinicom) registrirana do 31.12.2021. godine**, u okviru turističko - ugostiteljske djelatnosti, a koja ispunjavaju uslove za dodjelu sredstava definisane članom 7. ovog Programa.

Član 7.

(Uslovi za dodjelu sredstava)

Pravo na dodjelu poticajnih sredstava ostvaruju subjekti male privrede definisani u članu 6. ovog Programa, a koji ispunjavaju slijedeće uslove:

- a) da na osnovu Obavještenja o razvrstavanju prema klasifikaciji djelatnosti Zavoda za statistiku obavljaju registrovanu djelatnost unutar sljedećih područja djelatnosti prema Klasifikaciji djelatnosti KD BiH 2010 („Službeni glasnik BiH“, broj: 47/10):

RB	PODRUČJE	OBLAST /GRANA/ RAZRED	DJELATNOSTI ZA KOJE SE DODJELJUJU POTICAJNA SREDSTVA
1.	I	55.10	Hoteli i sličan smještaj
		55.20	Odmarališta i slični objekti za kraći odmor
		55.30	Kampovi i prostori za kampiranje
		55.90	Ostali smještaj
		56.10	Djelatnosti restorana i ostalih objekata za pripremu i usluživanje hrane
		56.21	Djelatnosti kateringa
		56.29	Ostale djelatnosti pripreme i usluživanja hrane
		56.30	Djelatnosti pripreme i usluživanja pića
2.	N	77.21	Pružanje usluge za iznajmljivanje opreme za sport i rekreaciju
		79.11	Djelatnosti putničkih agencija
		79.12	Djelatnosti turoperatora
		79.90	Ostale rezervacijske usluge i djelatnosti povezane s njima

- b) da su registrovani do 31.12.2021.godine i imaju sjedište na području Kantona;
- c) čija djelatnost se odnosi na turističko-ugostiteljsku djelatnost;
- d) da imaju pozitivno poslovanje u 2021. godini;
- e) da upošljavaju: fizička lica minimalno jednog radnika na neodređeno vrijeme (uključujući vlasnika), pravna lica minimalno dva radnika na neodređeno vrijeme, a poslovna jedinica jednog radnika na neodređeno vrijeme zaključno sa danom objave Javnog poziva (izuzev u slučaju kada je sjedište osnovnog subjekta i poslovne jedinice isto);
- f) da osiguraju vlastito učešće u ukupnoj vrijednosti projekta minimalno: fizička lica 20%, a pravna lica ili poslovne jedinice 50% (Izjava o vlastitom učešću finansijskih sredstava za realizaciju projekta);
- g) da uredno izmiruju direktne poreze, doprinose za PIO/MIO i zdravstveno osiguranje (podnosioci prijava koji imaju sklopljen sporazum o plaćanju duga u ratama neće biti uzeti u razmatranje);
- h) da uredno izmiruju indirektno poreze, ukoliko su u sistemu PDV-a;
- i) da nije pokrenut ili okončan postupak stečaja ili likvidacije ili postupak gašenja, obustave ili ograničenja poslovne aktivnosti;
- j) da posjeduju Rješenje o kategorizaciji na dan objave Javnog poziva;
- k) da imaju izmirene obaveze po osnovu uplate boravišne takse na dan objave Javnog poziva;
- l) da su opravdali sredstva dodjeljena po programu ovog Ministarstva iz prethodne tri godine (izuzev u slučaju definisanom u članu 26. stav (7) ovog Programa).

Član 8.

(Minimalan i maksimalni iznos sredstava koji se dodjeljuje)

- (1) Minimalan iznos sredstava za fizička lica po jednom korisniku iznosi 1.000,00 KM, a maksimalni iznos sredstava za fizička lica po jednom korisniku iznosi 10.000,00 KM.
- (2) Minimalan iznos sredstava za pravno lice (ili poslovnu jedinicu ukoliko subjekt aplicira sa poslovnom jedinicom) po jednom korisniku iznosi 3.000,00 KM, a maksimalni iznos sredstava za pravno lice (ili poslovnu jedinicu ukoliko subjekt aplicira sa poslovnom jedinicom) po jednom korisniku iznosi 30.000,00 KM.
- (3) Ukoliko podnosioci prijava iz stava (1) i (2) ovog člana podnose prijave samo i isključivo za učešće na domaćim i međunarodnim sajmovima kao izlagači može se odobriti maksimalno do 3.000,00 KM za fizička lica po jednom korisniku i do 5.000,00 KM za pravno lice (ili poslovnu jedinicu ukoliko subjekt aplicira sa poslovnom jedinicom) po jednom korisniku.

Član 9.

(Namjena utroška sredstava i rok za implementaciju)

- (1) Sredstva iz člana 8. namjenjena su za sufinansiranje prihvatljivih troškova:
 - nabavka opreme kojom se omogućava pristup osobama sa invaliditetom u vanjske i unutrašnje prostore (liftovi, pristupne rampe i slično) i posebna sanitarna oprema za osobe sa invaliditetom (sanitarni čvorovi);
 - nabavka softverskih rješenja i hardverske opreme (fiskalna kasa nije prihvatljiv trošak);
 - unutrašnje uređenje poslovnog prostora (materijal i usluge za građevinske i instalacijske radove);
 - ulaganje u izgradnju, adaptaciju, sanaciju, dogradnju i rekonstrukciju sportskih i rekreativnih terena (unutrašnjih i vanjskih), wellness i spa objekata, bazena, jakuzija, dječijih igrališta, izletišta (sa klupama, stolovima, kantama za odlaganje otpada itd.);
 - ulaganje u izgradnju, adaptaciju, sanaciju, dogradnju i rekonstrukciju objekata za držanje životinja u sportske i turističke svrhe (na primjer: štale za konje i ostalo, pristaništa za splavarenje/rafting);

- unutrašnje opremanje objekta opremom neophodnom za obavljanje djelatnosti;
 - nabavka sportske i rekreativne opreme za dodatne sadržaje (oprema za biciklizam, jahanje, pecanje, planinarenje, oprema za tenis, mali fudbal, košarku, rekreativne i trim staze, oprema za kampovanje, oprema za turističke usluge na divljim vodama i turističke usluge u raftingu kao što su kanui, kajaci, čamci, splavovi itd.);
 - nabavka sigurnosne i zaštitne opreme (kacige, sigurnosni prsluci itd.) i opreme za pružanje prve pomoći;
 - nabavka wellness i spa opreme;
 - mapiranje i označavanje staza, šetnica;
 - tehnološka modernizacija i inovacija poslovnih procesa – uvođenje sistema međunarodnih standarda kvalitete kroz odgovarajuće konsultantske usluge i edukacije za certificiranje sistema i stjecanje prava ili obnavljanja upotrebe: ISO standardi, HALAL I HACCAP i drugih međunarodnih standarda,
 - učešće na domaćim i međunarodnim sajmovima kao izlagači.
- (2) Utvrđeni troškovi sufinansiranja iz stava (1) ovog člana moraju biti **isključivo** namjenjeni djelatnosti koju fizičko ili pravno lice (poslovna jedinica) obavlja. Mašine, postrojenja i oprema koja se nabavlja ne može biti starija od pet godina.
- (3) Neprihvatljivi troškovi za koje se ne mogu koristiti sredstva su: podizanje krovnih konstrukcija, repromaterijal, vanjski građevinski radovi (osim prihvatljivih troškova navedenih u stavu (1) ovog člana), police osiguranja imovine i ljudi, kupovina i iznajmljivanje objekata, zemljišta, svih motornih i priključnih vozila, kupovina, obnova, rekonstrukcija ili modernizacija objekta za najam ili prodaju, plaće i doprinosi na plaće, kao i nabavka usluga i opreme od lica koja nisu registrovani kao poslovni subjekti i koji spadaju u kategoriju povezanih lica sa podnosiocima prijava (isti vlasnici/ili suvlasnik pravnog lica, vlasništvo i/ili suvlasništvo bračnog druga i/ili lica koja žive u istom domaćinstvu ili imaju međusobno povezane ili zajedničke investicije), cesije, kompenzacije i svi ostali troškovi koji nisu u skladu sa namjenom projekta iskazan u Prijavnom obrascu.
- (4) Rok za implementaciju projekta traje do 31.12.2022. godine.
- (5) Svako korištenje odobrenih sredstava suprotno namjenama utvrđenim u stavu (1) ovog člana smatrat će se nenamjenskim utroškom.
- (6) Korisnici sredstava po ovom Programu ne mogu prestati sa radom u periodu od minimalno jedne godine, u suprotnom su u obavezi vratiti dodjeljena sredstva u cjelokupnom iznosu.

Član 10.
(Kriterij za odabir korisnika – fizička lica)

Rb	Kriterij	Uslovi	Broj bodova	Izvor verifikacije (dostavljena dokumentacija)
1.	Broj zaposlenih	do 9 zaposlenih	1	Lista osiguranih lica izdana od strane Porezne uprave
		od 10-49 zaposlenih	2	
		od 50-250 zaposlenih	3	
2.	Ukupan broj zaposlenih iz ciljnih skupina žene, mladi do 35 godina i osobe sa invaliditetom (za sve zaposlene iz kategorije)	žene	1	Izjava podnosioca prijave o pripadnosti uposlenika sa liste osiguranih o pripadnosti ciljnim skupinama
		Mladi do 35 godina	1	
		Osobe s invaliditetom	1	
	Vlastito učešće u ukupnoj	61% i više	3	Izjava o vlastitom učešću

3.	vrijednosti projekta (minimalno 20%)	31-60%	2	finansijskih sredstava za realizaciju Projekta
		20-30%	1	
4.	Poslovanje subjekta male privrede u jedinicama lokalne samouprave	Izrazito nerazvijene JLS	3	Uredba o izradi indeksa razvijenosti u F BiH, Federalni Zavod za programiranje razvoja
		Nerazvijene JLS	2	
		Razvijene JLS	1	
5.	Korisnik Poticaja Ministarstva privrede u prethodne tri godine	Nije ostvario pravo na poticaj za navedene godine	3	Službena evidencija Ministarstva
		Korisnik sredstava	1	

Član 11.
(Kriterij za odabir korisnika – pravna lica)

Rb	Kriterij	Uslovi	Broj bodova	Izvor verifikacije (dostavljena dokumentacija)
1.	Broj zaposlenih	do 9 zaposlenih	1	Lista osiguranih lica izdana od strane Porezne uprave
		od 10-49 zaposlenih	2	
		od 50-250 zaposlenih	3	
2.	Ukupan broj zaposlenih iz ciljnih skupina žene, mladi do 35 godina i osobe sa invaliditetom (za sve zaposlene iz kategorije)	žene	1	Izjava podnosioca prijave o pripadnosti uposlenika sa liste osiguranih o pripadnosti ciljnim skupinama
		Mladi do 35 godina	1	
		Osobe s invaliditetom	1	
3.	Vlastito učešće u ukupnoj vrijednosti projekta (minimalno 50%)	81% i više	3	Izjava o vlastitom učešću finansijskih sredstava za realizaciju Projekta
		61-80%	2	
		50-60%	1	
4.	Poslovanje subjekta male privrede u jedinicama lokalne samouprave	Izrazito nerazvijene JLS	3	Uredba o izradi indeksa razvijenosti u F BiH, Federalni Zavod za programiranje razvoja
		Nerazvijene JLS	2	
		Razvijene JLS	1	
5.	Korisnik Poticaja Ministarstva privrede u prethodne tri godine	Nije ostvario pravo na poticaj za navedene godine	3	Službena evidencija Ministarstva
		Korisnik sredstava	1	

Napomena: Ukoliko pravno lice aplicira sa poslovnom jedinicom registriranoj na istoj adresi kao i pravno lice odnosno osnovni subjekt kriterij bodovanja definisan pod rednim brojem 1. i 2. vršiti će se na osnovu Izjave o broju uposlenika definisane članom 12. stav (4) alineja l) i m).

Član 12.
(Prijava na Javni poziv i potrebna dokumentacija)

(1) Sredstva se dodjeljuju na osnovu Javnog poziva kojeg raspisuje Ministarstvo, a koji će se objaviti u Unsko-sanskim novinama „Krajina“ i na web stranici Vlade Unsko-sanskog kantona (u daljem tekstu: Vlada Kantona): www.vladausk.ba.

- (2) Prijava na Javni poziv se vrši putem Prijavnog obrasca koji se preuzima direktno sa web stranice Vlade Kantona www.vladausk.ba.
- (3) Fizička lica uz prijavu na Javni poziv obavezno dostavljaju:
- a) Izjava o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta minimalno 20%)(ovjerena pečatom podnosioca prijave i potpisana od strane ovlaštene osobe);
 - b) Rješenje o registraciji od nadležnog gradskog/općinskog organa (ovjera ne starija od 3 mjeseca od dana objave Javnog poziva);
 - c) Ovjerena kopija Uvjerenja o poreznoj registraciji (ID broj) (ovjera ne starija od 3 mjeseca od dana objave Javnog poziva);
 - d) Ovjerena kopija Obavijesti o razvrstavanju subjekta prema djelatnosti usklađeno sa Klasifikacijom djelatnosti KD BiH 2010 (Federalni zavod za statistiku) (ovjera ne starija od 3 mjeseca od dana objave Javnog poziva);
 - e) Original ili ovjerena kopija Uvjerenja od Porezne uprave o izmirenju direktnih poreza, doprinosa za PIO/MIO i doprinosa za zdravstveno osiguranje za sve uposlene (ne starije od 3 mjeseca od dana objave Javnog poziva);
 - f) Original ili ovjerena kopija Uvjerenja o urednom izmirenju indirektnih poreza od Uprave za indirektno oporezivanje (ukoliko je u sistemu PDV-a) (ne starije od 3 mjeseca od dana objave Javnog poziva) ili Izjava podnosioca prijave da isti nije u sistemu PDV-a, potpisana i ovjerena od strane podnosioca prijave;
 - g) Original ili ovjerena kopija Liste osiguranika izdana od strane Porezne uprave (ne starija od 30 dana od dana objave Javnog poziva);
 - h) Specifikacija za utvrđivanje dohotka od samostalne djelatnosti (Obrazac SPR-1053) za 2021. godinu ili Rješenje o paušalnom plaćanju poreza;
 - i) Original ili ovjerena kopija potvrde općinskog/gradskog organa uprave da nije pokrenut postupak gašenja, obustave ili ograničenja poslovne aktivnosti (ne starija od 3 mjeseca od dana objave Javnog poziva);
 - j) Izjava podnosioca prijave o pripadnosti/nepripadnosti uposlenika sa liste osiguranika o ciljnim skupinama (žene, mladi do 35 godina i osobe sa invaliditetom), potpisana i ovjerena od strane podnosioca prijave;
 - k) Kopija dokumenta iz kojeg je vidljiv broj transakcijskog računa (ne može se mijenjati u proceduri dodjele sredstava) na koji će se sredstva doznačiti (ugovor, karton deponovanih potpisa, potvrda);
 - l) Ponude ili predračuni sa uključenom tehničkom specifikacijom troškova izdatih od odgovarajućih poslovnih subjekata za sve namjene utroška sredstava navedene u Prijavnom obrascu.
- Dostavljene ponude ili predračuni ne mogu biti stariji od dana objave Javnog poziva.**
- m) Izjava o primljenim pomoćima male vrijednosti (de minimis pomoć), potpisana i ovjerena pečatom podnosioca prijave (dostupna na web stranici Vlade Kantona www.vladausk.ba).
- (4) Pravna lica uz prijavu na Javni poziv obavezno dostavljaju:
- a) Izjava o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta u iznosu od minimalno 50%) (ovjerena pečatom podnosioca prijave i potpisana od strane ovlaštene osobe);
 - b) Original ili ovjerena kopija **Aktualnog izvoda iz sudskog registra** (ne stariji od 3 mjeseca od dana objave Javnog poziva);
 - c) Ovjerena kopija dozvole, saglasnosti ili drugog akta nadležnog organa kojim su utvrđeni uslovi za bavljenje registrovanom djelatnošću (ovjera ne starija od 3 mjeseca od dana objave Javnog poziva);
 - d) Kopija Rješenje o kategorizaciji;

- e) Ovjerena kopija Uvjerenja o poreznoj registraciji (ID broj) (ovjera ne starija od 3 mjeseca od dana objave Javnog poziva);
 - f) Ovjerena kopija Obavijesti o razvrstavanju subjekta prema djelatnosti usklađeno sa Klasifikacijom djelatnosti KD BiH 2010 (Federalni zavod za statistiku) (ovjera ne starija od 3 mjeseca od dana objave Javnog poziva);
 - g) Original ili ovjerena kopija Uvjerenja od Porezne uprave o izmirenju direktnih poreza, doprinosa za PIO/MIO i doprinosa za zdravstveno zdravstveno osiguranje za sve uposlene (ne starije od 3 mjeseca od dana objave Javnog poziva);
 - h) Original ili ovjerena kopija Uvjerenja o urednom izmirenju indirektnih poreza od Uprave za indirektno oporezivanje (ukoliko je u sistemu PDV-a) (ne starije od 3 mjeseca od dana objave Javnog poziva) ili Izjava podnosioca prijave da isti nije u sistemu PDV-a, potpisana i ovjerena od strane podnosioca prijave;
 - i) Kopija bilansa stanja i bilans uspjeha za 2021. godinu;
 - j) Original ili ovjerena kopija potvrde izdane od strane Suda da se ne vodi stečajni ili likvidacioni postupak (ne starija od 3 mjeseca od dana podnošenja prijave);
 - k) Original ili ovjerena fotokopija Liste osiguranika izdana od strane Porezne uprave (ne starija od 30 dana od dana objave Javnog poziva);
 - l) Ukoliko pravno lice aplicira sa poslovnom jedinicom registriranom na adresi kao i pravno lice odnosno osnovni subjekt dostavlja Izjavu o osiguranicima koji obavljaju poslove u poslovnoj jedinici, a nalaze se na Listi osiguranika iz alineje k) ovog stava, ovjerena i potpisana od strane podnosioca prijave;
 - m) Izjava podnosioca prijave o pripadnosti/nepripadnosti uposlenika sa Liste osiguranika (odnosno sa liste iz alineje l) ukoliko se prijava podnosi na poslovnu jedinicu) o ciljnim skupinama (žene, mladi do 35 godina i osobe sa invaliditetom), potpisana i ovjerena od strane podnosioca prijave;
 - n) Kopija dokumenta iz kojeg je vidljiv broj transakcijskog računa (ne može se mijenjati u proceduri dodjele sredstava) na koji će se sredstva doznačiti (ugovor, karton deponovanih potpisa, potvrda);
 - o) Ponude ili predračuni sa uključenom tehničkom specifikacijom troškova izdatih od odgovarajućih poslovnih subjekata za sve namjene utroška sredstava navedene u Prijavnom obrascu. ***Dostavljena ponuda ili predračun ne mogu biti stariji od dana objave Javnog poziva;***
 - p) Izjava podnosioca prijave da su izmirene obaveze po osnovu uplate boravišne takse na dan objave Javnog poziva, ovjerena i potpisana od strane podnosioca prijave;
 - q) Izjava o primljenim pomoćima male vrijednosti (de minimis pomoć), potpisana i ovjerena pečatom podnosioca prijave (dostupna na web stranici Vlade Kantona www.vladausk.ba).
- (5) **Ukoliko se Prijavni obrazac podnosi na poslovnu jedinicu, onda dokumente pod rednim brojem e) i f) iz stava (4) ovog Programa treba dostaviti i za osnovni subjekt i za poslovnu jedinicu, uz ostalu traženu dokumentaciju.**
- (6) Prijave će biti odbačene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom.
- (7) Podnosioci prijave mogu podnijeti samo jednu prijavu po jednoj mjeri iz ovog Programa i isti nemaju pravo apliciranja na Javni poziv ovog Ministarstva po Programu poticaja razvoja male privrede za 2022. godinu. U slučaju više prijave istog podnosioca sve prijave će biti odbačene kao neosnovane i neće biti predmet daljeg razmatranja.

POGLAVLJE II – POKRETANJE VLASTITOG BIZNISA

Član 13. (Predmet mjere)

Predmet mjere je prikupljanje prijava nezaposlenih lica koji imaju namjeru pokrenuti vlastiti biznis. Pružanjem finansijske podrške, podstiču se punoljetna nezaposlena lica da pokrenu vlastiti biznis i na taj način doprinesu povećanju broja subjekata male privrede na području Kantona i smanjenju nezaposlenosti. Mjera ima za cilj i da doprinese implementaciji aktivnosti koje doprinose realizaciji mjera predviđenih Strategijom razvoja Unsko-sanskog kantona 2021-2027.

Član 14. (Sredstva za implementaciju)

Sredstva za implementaciju ove mjere obezbjeđena su u Budžetu Ministarstva na ekonomskom kodu 614500 FAP004 – „Subvencije privatnim preduzećima i poduzetnicima - oblast turizma“ u ukupnom iznosu od 400.000,00 KM.

Član 15. (Pravo učešća)

- 1) Pravo učešća imaju punoljetna nezaposlena lica prijavljena na evidenciji nezaposlenih lica Javne ustanove "Služba za zapošljavanje Unsko-sanskog kantona", a koja imaju namjeru pokrenuti vlastiti biznis u okviru proizvodne, proizvodno-uslužne i uslužne djelatnosti po Klasifikaciji djelatnosti KD BiH 2010 („Službeni glasnik BiH“, broj: 47/10).
- 2) Djelatnosti koje nisu prihvatljive su:
 - Područje A – Poljoprivredna, šumarstvo i ribolov;
 - Područje D/35.11 – Proizvodnja električne energije;
 - Područje J/58 – Izdavačka djelatnost;
 - Područje J/60 – Emitovanje programa;
 - Područje J/61 – Telekomunikacije;
 - Područje J/63 – Informacijske uslužne djelatnosti;
 - Područje M/70 – Upravljačke djelatnosti; savjetovanje u vezi upravljanjem;
 - Područje M/73 – Promocija (reklama i propaganda) i istraživanje tržišta;
 - Područje N/80.20 – Usluge zaštite uz pomoć sigurnosnih sistema;
 - Područje N/81.10 – Pomoćne djelatnosti upravljanja zgradama;

Član 16. (Uslovi za dodjelu sredstava)

Pravo na dodjelu poticajnih sredstava imaju lica definisana u članu 15. koja ispunjavaju sljedeće uslove:

- 1) da imaju prebivalište na području Kantona;
- 2) da su punoljetni;
- 3) da su dostavili ispravno popunjen prijavni obrazac (aneks I);
- 4) da su dostavili biznis plan, a koji obavezno uključuje: ukupna sredstva za realizaciju poslovne ideje, vlastita sredstva za realizaciju poslovne ideje i poticajna sredstva koja podnosilac prijave traži za realizaciju poslovne ideje, s tim da u biznis planu podnosioci prijave ne smiju predvidjeti korištenje poticajnih sredstava za neprihvatljive troškove (aneks II);
- 5) da imaju namjeru da se bave vlastitim biznisom i da su spremni registrovati firmu u

- svom stopostotnom vlasnistvu u slučaju da budu odabrani podnosioci prijave;
- 6) da do dana podnošenja prijave nisu koristili poticajna sredstva iz Budžeta Kantona i/ili budžeta jedinica lokalnih samouprava, javne ustanove „Služba za zapošljavanje Unsko-sanskog kantona, Federalnog zavoda za zapošljavanje ili donatorskih organizacija za iste aktivnosti za koje su podnijeli prijavu za dodjelu sredstava, odnosno da nisu zaključili ugovore o dodjeli sredstava po osnovu prednje navedenih izvora;
 - 7) da su spremni osigurati vlastito učešće od minimalno 10% od ukupne vrijednosti projekta;

Član 17.
(Maksimalni iznos sredstava koji se dodjeljuje)

Maksimalni iznos sredstava po jednom korisniku iznosi:

- a) za pravno lice 10.000,00 KM
- b) za obrt 6.000,00 KM

Član 18.
(Namjena utroška sredstava i rok za implementaciju)

- (1) Sredstva iz člana 17. namjenjena su za:
 - a) Refundiranje troškova registracije firme (npr. troškovi taksi, advokatske usluge, troškovi kopiranja i ovjeravanja dokumenata, izrada pečata i sl.);
 - b) Sufinansiranje troškova nabavke mašina, postrojenja, opreme, softverskih rješenja (program), unutrašnjeg uređenja proizvodno/poslovnog prostora (materijal i usluge za građevinske i instalacijske radove).
- (2) Neprihvatljivi troškovi za koje se ne mogu koristiti sredstva su: osnivački kapital ukoliko je predviđeno osnivanje pravnog lica (d.o.o.); plaće i doprinosi na plaće; nabavka opreme i mašina od lica koja nisu registrovani poslovni subjekti; vanjski građevinski radovi i kupovina/najam osobnih vozila; nadoknade za projektne partnere koji su angažirani na implementaciji aktivnosti; dugovanja i rezerve za gubitke; dugovanja po kamati; troškovi režija i održavanja (voda, struja, grijanje, komunalni otpad, telekomunikacije, upravljanje zgradom, internet i slično), kupovina, obnova, rekonstrukcija, modernizacija objekata za ličnu upotrebu; kupovina, obnova, rekonstrukcija, modernizacija objekata za najam ili prodaju; izvršavanje radova ili osiguravanje robe, usluga, zemljišta i nekretnina za koje nije izvršeno plaćanje u gotovini, potkrijepljeno računima ili dokumentima iste dokazne vrijednosti; doprinosi za dobrovoljna zdravstvena ili penziona osiguranja koji nisu obavezna prema zakonodavstvu; kazne i troškovi sudskog spora; plaćanja neoporezivih bonusa zaposlenima; bankovni troškovi za otvaranje i vođenje računa; naknade za finansijske transfere i drugi troškovi u potpunosti finansijske prirode, kamate, trošak police osiguranja imovine (uključuje i imovinu nabavljenu iz projekta); studijske posjete; kupovina i iznajmljivanje zemljišta i postojećih zgrada; troškovi konverzije, nadoknada ili gubici prilikom konverzije valuta; kreditiranje trećih osoba i ostali troškovi nespomenuti kao prihvatljivi i koji nisu relevantni za implementaciju projekta.
- (3) Podnosilac prijave ima obavezu da po izvršenom odabiru i stjecanju statusa korisnika sredstva (Konačna rang lista) u roku od 3 (tri) mjeseca dostavi dokaz o registraciji poslovnog subjekta u stopostotnom vlasništvu.
- (4) Rok za implementaciju preostalog dijela predloženih prihvatljivih troškova odnosno projekta je do 31.12.2022. godine.
- (5) Svako korištenje odobrenih sredstava suprotno namjenama utvrđenim u stavu (1) ovog

člana smatrat će se nenamjenskim utroškom.

- (6) Korisnici sredstava po ovoj mjeri ne mogu prestati sa radom u periodu od minimalno jedne godine, u suprotnom su u obavezi vratiti dodjeljena sredstva u cjelokupnom iznosu.

Član 19.
(Kriterij za odabir korisnika)

Rb	Kriterij	Uslovi	Broj bodova	Izvor verifikacije koji je obavezujući za podnosioca prijave
1	Vrsta djelatnosti koja se namjerava registrovati	Proizvodna	3	aneks I
		Proizvodno-uslužna	2	
		Uslužna	1	
2	Podnosilac prijave (žene, mladi do 35 godina, osobe sa invaliditetom)	žena	1	aneks I i Cips prijava
		mladi do 35 godina	1	
		osoba sa invaliditetom	1	
4	Vlastito učešće u ukupnoj vrijednosti projekta (minimalno 10%)	41-60%	3	Izjava o vlastitom učešću finansijskih sredstava za realizaciju Projekta
		31-40%	2	
		20-30%	1	
5	Poslovanje budućeg subjekta male privrede u jedinicama lokalne samouprave	Izrazito nerazvijene JLS	3	Uredba o izradi indeksa razvijenosti u F BiH, Federalni Zavod za programiranje razvoja
		Nerazvijene JLS	2	
		Razvijene JLS	1	

Član 20.
(Prijava na Javni poziv i potrebna dokumentacija)

- (1) Sredstva se dodjeljuju na osnovu Javnog poziva kojeg raspisuje Ministarstvo, a koji će se objaviti u Unsko-sanskim novinama „Krajina“ i na web stranici Vlade Unsko-sanskog kantona (u daljem tekstu: Vlada Kantona): www.vladausk.ba.
- (2) Prijava na Javni poziv se vrši putem Prijavnog obrasca (aneks I) koji se preuzima direktno sa web stranice Vlade Kantona www.vladausk.ba.
- (3) Uz Prijavni obrazac potrebno je dostaviti sljedeću dokumentaciju:
 - a) Biznis plan potpisan od strane podnosioca prijave (aneks II);
 - b) CIPS prijavu mjesta boravka ne stariju od 15 dana od dana objave Javnog poziva u originalu ili ovjerenom kopiji;
 - c) Izjave potpisane od strane podnosioca prijave i ovjerene kod nadležnog gradskog/općinskog organa uprave - dostupne na web stranici Vlade Kantona www.vladausk.ba, (aneks III i IV);
 - d) Uvjerenje kojim podnosilac prijave dokazuje da se nalazi na evidenciji nezaposlenih lica Javne ustanove "Služba za zapošljavanje Unsko-sanskog kantona", ne starije od dana objave Javnog poziva;
- (4) Prijave će biti odbačene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži stavom (3) ovog člana.
- (5) Korisnik sredstava prije zaključivanja ugovora o dodjeli sredstava ima obavezu

registracije firme u stopostotnom vlasništvu u roku definisanom u članu 18. stav (3), a Ministarstvo će sa poslovnim subjektima u stopostotnom vlasništvu korisnika sredstava zaključiti ugovore tek nakon što isti dostave cjelokupnu dokumentaciju potrebnu za zaključivanje ugovora o dodjeli sredstava, koja uključuje:

- a) Rješenje o registraciji poslovnog subjekta, u stopostotnom vlasništvu Korisnika sredstava, izdato od strane nadležnog organa, u ovjerenoj kopiji;
- b) Uvjerenje o poreznoj registraciji (ID), u ovjerenoj kopiji;
- c) Obavijest o razvrstavanju subjekta prema djelatnosti usklađeno sa Klasifikacijom djelatnosti KD BiH 2010 (Federalni zavod za statistiku), u ovjerenoj kopiji;
- d) Ugovor o transakcijskom računu, zaključen između poslovne banke i poslovnog subjekta, u ovjerenoj kopiji;
- e) Obrazac JS 3100 (prijava osiguranja);

POGLAVLJE IV - PRELAZNE I ZAVRŠNE ODREDBE

Član 21.

(Način podnošenja prijave)

- (1) Prijave sa potrebnom dokumentacijom dostavljaju se neposredno na protokol Vlade Kantona ili preporučeno putem pošte, na adresu:

**Ministarstvo privrede Unsko-sanskog kantona, Ul. Alije Đerzeleza br.2, 77 000
Bihać,
s naznakom**

*Prijava po Javnom pozivu
„Jačanje konkurentnosti subjekata male privrede- fizička i pravna lica u turističko-
ugostiteljskoj djelatnosti“
„NE OTVARAJ“*

*Prijava po Javnom pozivu
„POKRETANJE VLASTITOG BIZNISA“
„NE OTVARAJ“*

Na poledini koverta obavezno navesti naziv podnosioca prijave i adresu.

- (2) Rok za podnošenje prijave je **20 (dvadest) dana** od dana objave Javnog poziva.
- (3) Neblagovremene prijave koje su dostavljene nakon isteka roka određenog Javnim pozivom neće se uzeti u razmatranje i iste se ne vraćaju podnosiocima prijave.

Član 22.

(Obrada prijave i izbor korisnika za mjeru „Jačanje konkurentnosti subjekata male privrede- fizička i pravna lica u turističko-ugostiteljskoj djelatnosti“)

- (1) Za obradu prijave po Javnom pozivu za odabir korisnika sredstava po Programu poticaja razvoja turizma za 2022. godinu: „Jačanje konkurentnosti subjekata male privrede- fizička i pravna lica u turističko-ugostiteljskoj djelatnosti“ ministrica Ministarstva privrede (u daljem tekstu: Ministrica) Rješenjem imenuje Komisiju.
- (2) Komisija ima zadatak da u skladu sa kriterijima i procedurama utvrđenim ovim Programom, Javnim pozivom i Pravilnikom o postupcima u provođenju programa poticaja razvoja male privrede izvrši evaluaciju i bodovanje, sačini preliminarne rang liste korisnika sredstava, fizičkih i pravnih lica, i liste subjekata male privrede, fizičkih i

pravnih lica, čije su prijave neblagovremene, nepotpune i neosnovane, te iste dostavi Ministrici. Liste se objavljuju na web stranici Vlade Kantona: www.vladausk.ba.

- (3) Na objavljene liste subjekti male privrede, imaju pravo prigovora koji se podnosi Ministarstvu u pisanoj formi, u roku od osam dana od dana objavljivanja listi na web stranici Vlade Kantona.
- (4) Nakon isteka roka za prigovor i nakon rješavanja po uloženim prigovorima u roku od 8 dana od dana isteka roka za podnošenje prigovora, Ministrica donosi Konačne rang liste korisnika sredstava sa ukupnim brojem bodova i iznosom odobrenih poticajnih sredstava, na koju Vlada Kantona daje saglasnost i ista se objavljuje na web stranici Vlade Kantona.

Član 23.

(Obrada prijava i izbor korisnika za mjeru „Pokretanje vlastitog biznisa“)

- (1) Za obradu prijava po Javnom pozivu za odabir korisnika sredstava po Programu poticaja razvoja turizma za 2022. godinu: „Pokretanje vlastitog biznisa“ Ministrica Rješenjem imenuje Komisiju.
- (2) Komisija ima zadatak da u skladu sa kriterijima i procedurama utvrđenim ovim Programom, Javnim pozivom i Pravilnikom o postupcima u provođenju programa poticaja razvoja male privrede izvrši evaluaciju i bodovanje, sačini preliminarnu rang listu odabranih podnosioca prijave i listu podnosilaca prijava, čije su prijave neblagovremene, nepotpune i neosnovane, te iste dostavi Ministrici. Liste se objavljuju na web stranici Vlade Kantona: www.vladausk.ba.
- (3) Na objavljene liste podnosioci prijava, imaju pravo prigovora koji se podnosi Ministarstvu u pisanoj formi, u roku od osam dana od dana objavljivanja listi na web stranici Vlade Kantona.
- (4) Nakon isteka roka za prigovor i nakon rješavanja po uloženim prigovorima u roku od 8 dana od dana isteka roka za podnošenje prigovora, Ministrica donosi Konačnu rang listu korisnika sredstava sa ukupnim brojem bodova i iznosom odobrenih poticajnih sredstava, na koju Vlada Kantona daje saglasnost i ista se objavljuje na web stranici Vlade Kantona.

Član 24.

(Ugovor o dodjeli sredstava)

- (1) Nakon dobijanja saglasnosti Vlade Kantona na Konačne rang liste korisnika sredstava iz člana 22. stav (4) Ministarstvo sa korisnicima sredstava zaključuje Ugovore o dodjeli sredstava (u daljem tekstu: Ugovor).
- (2) Ugovor iz stava (1) ovog člana sadrži: ugovorne strane, predmet i cilj Ugovora, odobreni iznos sredstava i doznačavanje, obaveze i odgovornosti ugovornih strana, trajanje i raskid Ugovora i ostale elemente Ugovora.
- (3) Nakon dobijanja saglasnosti Vlade Kantona na Konačnu rang listu korisnika sredstava iz člana 23. stav (4) Ministarstvo sa poslovnim subjektima u stopostotnom vlasništvu korisnika sredstava zaključuje Ugovore o dodjeli sredstava (u daljem tekstu: Ugovor), nakon ispunjenja uvjeta iz člana 18. stav (3) i dostavljanja dokaza iz člana 20. stav (5).

Član 25.

(Izveštavanje o utrošku sredstava)

- (1) Korisnici sredstava su dužni pravdati utrošak ukupnih sredstava (ukupna vrijednost projekta) predviđenih za realizaciju projekta, kako vlastitih tako i dodijeljenih sredstava od strane Ministarstva.

- (2) Rok za dostavu izvještaja za korisnike sredstava po mjeri *„Jačanje konkurentnosti subjekata male privrede - fizička i pravna lica u turističko-ugostiteljskoj djelatnosti“* i mjeri *„Pokretanje vlastitog biznisa“* je najkasnije 15 dana od dana isteka roka za implementaciju projekta.
- (3) U skladu sa Ugovorom iz člana 24. ovog Programa korisnici sredstava su obavezni dodijeljena sredstva iz budžeta koristiti namjenski i dužni su **dostaviti Izvještaj na propisanom obrascu „Izvještaj o utrošku sredstava“** sa kompletnom dokumentacijom kojom se dokazuje namjenski utrošak sredstava.
- (4) Pravdanje će se vršiti sa odgovarajućom dokumentacijom koja se dostavlja Ministarstvu:
 - a) **Izvještaj o utrošku finansijskih sredstava - popunjen, potpisan i ovjeren od strane korisnika sredstava,**
 - b) **Izjavu o namjenskom utrošku sredstava ovjerenu kod nadležnog gradskog/općinskog organa ili notara (dostupna na web stranici Vlade Kantona www.vladausk.ba).**
 - c) **Račune, ovjerene kopije kod nadležnog gradskog/općinskog organa (a koji su u skladu sa predračunima/ponudama dostavljenim uz prijavu na Javni poziv),**
 - d) **Izvodi iz banke na kojima su pored uplaćenih iznosa vidljivi dokumenti po kojim je plaćanje izvršeno-kopija,**
 - e) **Fotodokumentacija-ovjerena na poleđini sa pečatom firme (podrazumijeva uslikati svaku nabavljenu stavku po projektu).**
 - f) **Carinska deklaracija-ovjerena kopija kod nadležnog gradskog/općinskog organa (ukoliko se radi o uvozu opreme).**
- (5) Kreditna sredstva ne mogu biti prihvaćena kao vlastito učešće Korisnika sredstava za realizaciju projekta po ovom Programu.
- (6) Ministarstvo zadržava pravo traženja i dodatne dokumentacije i pojašnjenja kod provjere namjenskog utroška sredstava (pismenim i usmenim putem).
- (7) Ministarstvo vrši nadzor namjenskog trošenja sredstava odobrenih korisnicima na osnovu dostavljenih Izvještaja, a po potrebi i neposrednim nadzorom kod korisnika sredstava, a na osnovu valjanih izvora verifikacije navedenih u samom Prijavnom obrascu.
- (8) Ukoliko korisnik sredstava ne dostavi Izvještaj o utrošku sredstava, Ministarstvo pokreće zakonom propisan postupak za povrat finansijskih sredstava.
- (9) O utrošenim sredstvima po ovom Programu Ministarstvo će u skladu sa Odlukom o usvajanju programa utroška izvestiti Vladu Kantona.

Član 26.

(Dodjela sredstava i poništenje Javnog poziva)

- (1) U slučaju da se nakon provedenog Javnog poziva i odabira korisnika sredstava po pojedinačnoj poticajnoj mjeri ne utroše planirana finansijska sredstva za implementaciju definisanu članom 5. stav (2) i članom 14. ovog Programa, sredstva će se preraspodijeliti na poticajnu mjeru za koju planirana sredstva nisu dovoljna, a o kojima će Ministarstvo predložiti Vladi Kantona Odluku o izmjeni Odluke o usvajanju Programa utroška sredstava „Subvencije privatnim preduzećima i poduzetnicima-oblast turizma“ iz Budžeta Unsko-sanskog kantona-Ministarstvo privrede za 2022. godinu po Programu poticaja razvoja turizma za 2022. godinu.
- (2) Sredstva se dodjeljuju korisnicima u skladu sa Konačnim rang listama korisnika sredstava, pojedinačno za fizička i za pravna lica, i za pokretanje vlastitog biznisa, do utroška sredstava predviđenih za implemetaciju pojedinačne poticajne mjere, a nakon eventualne preraspodjele definisane stavom (1) ovog člana.
- (3) Sredstva iz stava (1) ovog člana se dodjeljuju u vidu državne pomoći male vrijednosti (de minimis pomoć). Državna pomoć male vrijednosti predstavlja pomoć jednom privrednom

subjektu za bilo koju svrhu koja se dodjeljuje jednom ili više puta i koja ne prelazi iznos od 200.000 EUR u tri uzastopne fiskalne godine shodno članu 2.stav (1) tačka c) Zakona o sistemu državne pomoći u Bosni i Hercegovini („Službeni glasnik BiH“ broj: 10/12 i 39/20).


- (4) U postupku po Javnom pozivu Ministarstvo zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja.
- (5) U slučaju nedostatka sredstava u Budžetu Kantona obustavlja se realizacija dodjele sredstava.
- (6) Ministarstvo ne snosi troškove nastale u vezi sa prijavom na Javni poziv.
- (7) Korisnici sredstava po Programu poticaja razvoja male privrede u 2021. godini, kojima je na zahtjev odobreno produženje roka za implementaciju projekta, imaju pravo apliciranja na javni poziv predviđen članom 12. ovog Programa, s tim da u slučaju da se nađu na Konačnim rang listama, sa istima se neće potpisivati Ugovori o dodjeli sredstva definisan u članu 24. ovog Programa, dok ne dostave Izvještaj o utrošku sredstava i dok Vlada Kantona ne prihvati isti Izvještaj kao namjenski utrošak.
- (8) Prispjela dokumentacija će se vratiti podnosiocima prijave samo na pismeni zahtjev u slučajevima utvrđenim u stavu (4) i (5) ovog člana.

Član 27.

(Stupanje na snagu)

Ovaj Program stupa na snagu danom donošenja i objavit će se u „Službenom glasniku Unsko-sanskog kantona“.

Broj: 03-017-4322/2022
Bihać, 18.04.2022. godine


PREMIJER KANTONA
mr.sci. Mustafa Ružnić